

**ONA TILI TA’LIMIDA MATNLI TEST TOPSHIRIQLARI ORQALI  
OG‘ZAKI VA YOZMA NUTQIY KO‘NIKMALARINI RIVOJLANTIRISH**

**Komilova Lola Nasilloyevna**

*ToshDO ‘TAU tayanch doktoranti*

**Annotatsiya:** mazkur maqolada ona tili darslarida matn asosidagi testlar yordamida qanday qilib o‘quvchilarning og‘zaki va yozma nutqiy ko‘nikmalarini o‘stirish, grammatika bilan og‘zaki va yozma nutq uyg‘unligida test-sinovlari, topshiriqlar va ta’limiy o‘yinlarning samarasi haqida fikr-mulohazalar bildirildi.

**Kalit so‘zlar:** nutq, tafakkur, test, matnli test, ravon, talaffuz, malaka, yozma nutq, og‘zaki nutq, topshiriq.

**Abstract:** this article describes how to develop students' oral and written speech skills using text-based tests in mother tongue classes, test-tests, assignments and educational programs in harmony with grammar and oral and written speech. Feedback was given on the effectiveness of the games.

**Key words:** speech, thinking, test, text test, fluency, pronunciation, proficiency, written speech, oral speech, assignment.

**Аннотация:** в данной статье описано, как развивать навыки устной и письменной речи учащихся с помощью текстовых тестов на занятиях по родному языку, тестов-тестов, заданий и образовательных программ в гармонии с грамматикой и устной и письменной речью. игры.

**Ключевые слова:** речь, мышление, тест, текстовый тест, беглость, произношение, грамотность, письменная речь, устная речь, задание.

O‘qitishning zamonaviy metodlarini qo’llash o‘qitish jarayonida yuqori samaradorlikka erishishga olib keladi. Bu metodlarni har bir darsning didaktik vazifasidan kelib chiqib tanlash maqsadga muvofiq. An’anaviy dars shaklini saqlab qolgan holda uni ta’lim oluvchilar faoliyatini faollashtiradigan turli-tuman metodlar bilan boyitish ta’lim oluvchilarning o’zlashtirish darajasi o’sishiga olib keladi. Ona tili ta’limi bolalarning tafakkur qilish faoliyatini kengaytirishga, erkin fikrlay olishi, o‘zgalar fikrini tinglashi, o‘z fikrlarini og‘zaki va yozma ravishda ravon bayon eta olishi, jamiyat a’zolari bilan erkin muloqotda bo‘la oladigan ko‘nikma va malakalarini rivojlantirishga xizmat qiladi. Bu o‘rinda ona tili ta’limiga o‘quv fani emas, balki butun ta’lim tizimini uyushtiruvchi ta’lim jarayoni sifatida qaraladi. Nutq-kishi faoliyatining turi, til vositalari (so‘z, so‘z birikmasi, gap) asosida tafakkurni ishga solishdir. Nutq o‘zaro aloqa va xabar, o‘z fikrini his-hayajon bilan ifodalash va boshqalarga ta’sir etish vazifasini bajaradi. Yaxshi rivojlangan nutq jamiyatda kishi faoliyatining muhim vositalaridan biri sifatida xizmat qiladi. O‘quvchi uchun esa nutq maktabda

muvaffaqiyatli ta’lim olish quroldir. Nutq o’stirish nima? Agar o‘quvchi va uning tilidan bajargan ishlari ko‘zda tutilsa, nutq o’stirish deganda tilni har tomonlama faol amaliy o‘zlashtirish tushuniladi. Agar o‘qituvchi ko‘zda tutilsa, nutq o’stirish deganda, o‘quvchilarining tilning talaffuzi, lug‘ati, sintaktik qurilishi va bog‘lanishli nutqni faol egallashlariga yordam beradigan metod va usullarni qo‘llash tushuniladi. Nutq o’stirishda uch yo‘nalish aniq ajratiladi:

1) so‘z ustida ishslash; 2) so‘z birikmasi va gap ustida ishslash; 3) bog‘lanishli nutq ustida ishslash.

Ona tili o‘qitishda nazariyani amaliyatga bog`lash daganda o‘quvchilardan tildan egallayotgan ilmiy-nazariy bilimlarini amalda qo‘llashini ta`minlash, ularni mustaqil turmush uchun zarur bo`lgan amaliy ko`nikmalar bilan qurollantirishni tushunamiz. Nazariyani amaliyatga bog`lash ona tilini o‘qitishni foydali maqsadlarga burish. Urganilayotgan til hodisalarini o‘quvchilarining nutqiy faoliyatini rivojlantirishga buysundirish, til ta`limini hayot bilan, kundalik turmush bilan, odamlarning mehnat faoliyati bilan bog`lash demakdir.

O‘z navbatida bog‘lanishli nutq hikoya , esse, insho lug‘atini boyitish vositasi bo‘lib xizmat qiladi. Yozma nutqni rivojlantirish og‘zaki nutqqa qaraganda ancha murakkab jarayon hisoblanadi. Chunki u o‘quvchilardan grammatik va mazmun jihatidan to‘g‘ri jumla qurishni, har bir so‘zni o‘z o‘rnida to‘g‘ri qo‘llashni, fikrni ixcham, izchil, ifodali, uslub jihatidan sodda va ravon ifodalashni, bayon qilingan fikrlar asosida xulosalar chiqarishni talab etadi. Bu nutqning murakkab tabiatini yana shundaki, u imlo, tinish belgilari va uslub bilan bog‘liq. So‘zni to‘g‘ri yozish, tinish belgilarini o‘rinli qo‘llash, fikrni uslub talabiga muvofiq bayon qilish o‘quvchidan katta mas’uliyatni talab etadi. Shu sababli nutqning bu turi ancha sekin va murakkab kechadi. Yozma nutqning o‘ziga xos xususiyatlaridan yana biri uni tekshirish, tuzatish, takomillashtirish mumkinligidir. Bu jihatdan u og‘zaki nutqqa qaraganda ancha qulay imkoniyatlarga ega. O‘quvchi yozma nutqdagi xato va kamchiliklar ustida ishlaydi, ularni bartaraf etadi, keyingi ishlarda bu xato va kamchiliklarga yo‘l qo‘ymaslikka intiladi. Ona tili darslarida o‘qituvchi shuni ham unutmaslik lozimki, ko‘pincha o‘quvchilar yozma ishlarda imlo va tinish belgilariga katta e’tibor berib, matnning mazmuni ustida yetarli ish olib bormaydilar. Matnlarda ko‘pincha mavzuga aloqasi bo‘lmagan fikrlar ustunlik qilib, asosiy fikr e’tibordan chetda qoladi. Shuning uchun ona tili mashg‘ulotlarida o‘quvchilar diqqati faqat imlo va tinish belgilariga emas, balki bayon qilinayotgan fikrning asosli dalillarga ega bo‘lishi, materialning to‘g‘ri joylashtirilishi, fikrning nutq sharoitiga mos holda to‘g‘ri bayon qilinishiga ham qaratilishi lozim. Ona tili mashg‘ulotlarida shunday holatni vujudga keltirish lozimki, o‘quvchi yaratgan matnidan qoniqish hosil qilsin. Bu uni o‘z nutqini takomillashtirib borishga ilhomlantiradi. O‘quvchilar mustaqil ravishda ijodiy fikrlasalar fikr mahsulini nutq sharoitiga mos ravishda og‘zaki, yozma shakllarda to‘g‘ri, ravon ifodalay olsalar,

demak, ona tili mashg‘ulotlari samarali o‘tgan bo‘ladi. Ona tili mashg‘ulotlarida o‘quvchilar nutqining rivojlanishini qiyinlashtirayotgan omillardan yana biri o‘quvchilarning uyda, ko‘chada yoki sinfdan tashqari paytlarda tojik, turkman, qirg‘iz yoki boshqa (sheva) tilda so‘zlashib, mакtabda o‘zbek tilida o‘qishidir. Yuqorida sanab o‘tilgan salbiy omillardan tashqari ona tilimizdan sinfdan va maktabdan tashqari olib boriladigan ishlarning mundarija va mazmun jihatdan bo‘shligi, yagona nutq rejimiga hamisha ham rioya qilmaslik, ota-onalarning bola nutqi ustida yetarli ishlamasligi kabi o‘quvchilarning og‘zaki va yozma nutqini rivojlantirishga salbiy ta’sir qiladi. Tilni amalda o‘zlashtirish ona tilining barcha tovush birliklarini (tovush – bo‘g‘in – ibora - matn) tinglab ajratib olish va ularni to‘g‘ri talaffuz qilishni nazarda tutadi, shuning uchun mакtabgacha yoshdagi bolada tovushni talaffuz qilishni shakllantirish borasidagi ishlar muntazam ravishda olib borilishi lozim. Ohang, tembr, pauza, urg‘ulashning turli xillari tovush ifodaliligining muhim vositalari hisoblanadi. O‘quvchiga intonatsiyadan to‘g‘ri foydalanishni, bildirilayotgan fikrning nafaqat mazmuniy ahamiyatini, balki emotsiyonal xususiyatlarini ham bergen holda, uning intonatsion tasvirini qurishni o‘rgatish juda muhim. Shu bilan parallel ravishda, vaziyatdan kelib chiqqan holda, talaffuz tempi, past-balandligini to‘g‘ri qo‘llash, tovushlar, so‘zlar, iboralar, gaplarni aniq talaffuz qilish (diksiya) qobiliyatini shakllantirish ishlari ham olib borilishi lozim. O‘quvchilarda nutqning intonatsion jihatiga diqqat-e’tibor qaratishni tarbiyalar ekan, katta yoshli odam (pedagog) uning nutqni tinglash qobiliyatini, tembr (har bir tovushning o‘ziga xos bo‘lgan sifati) va vaznni his qilish, tovush kuchini sezishni rivojlantiradi, bu esa kelgusida musiqa tinglash qobiliyatini rivojlantirishga ham ta’sir ko‘rsatadi. Nutq intonatsiyasi, tovushning ifodaliligi ustidagi ishlar bolalarning bildirilayotgan fikrga nisbatan, matndan kelib chiqqan holda, ovozini balandlatib yoki pasaytirib, talaffuz qilinayotgan matnga manтиqiy va emotsiyonal urg‘u berish orqali o‘z munosabatini bildirishni o‘rganishlari uchun zarur. Bu murakkab nutqiy ko‘nikmalarni shakllantirish fonetik mashqlarni takrorlashni, ularni muntazam ravishda o‘tkazishni talab qiladi. Har bir nutqiy vazifa ustidagi ishlarning ustuvor yo‘nalishlarini ajratar ekanmiz, ularning barchasi o‘zaro bog‘liqlikda va yaqin o‘zaro hamkorlikda ishtirok etishini ta’kidlash lozim. Ravon nutqni o‘stirish va rivojlantirish asosida turli aloqa vositalaridan (so‘zlar, gaplar, matn qismlari o‘rtasida) foydalanish, turli toifadagi matnlar – tasvirlash, bayon qilish, mulohaza yuritish tuzilmasi haqidagi tasavvurlarni shakllantirish qobiliyatini o‘rgatish yotadi. Pedagog bolalarga gaplarni parallel ravishda bog‘lashni o‘rgatishi zarur, bunda gaplar bir-biriga ulanmaydi, balki taqqoslanadi yoki hatto qarama-qarshi qo‘yiladi (Kuchli shamol esardi. Quyon iniga yashirinib oldi).

O‘quvchilarga ravon matnlar tuzishni o‘rgatishda ularda mavzuni va aytilgan so‘zning asosiy fikrini ochib berish, matnga sarlavha qo‘yish qobiliyatini rivojlantirishga alohida e’tibor qaratish zarur. Ravon fikrni tashkil etishda intonatsiya

katta rol o‘ynaydi, shuning uchun ayrim gaplar intonatsiyasidan to‘g‘ri foydalanish ko‘nikmasini shakllantirish umuman matnning tarkibiy birligi va mazmunan tugallanganligini qayd etishga yordam beradi. O‘qituvchi bilan o‘quvchining birgalikdagi so‘z ijodkorligi monologik nutqni rivojlantirishning asosiy sharti hisoblanadi. O‘qituvchi odam yo‘naltiruvchi va aniqlashtiruvchi savollarni berish, o‘yin vaziyatlarini yaratish orqali o‘quvchi tashabbusini qo‘llab-quvvatlashi darkor. Pedagogning sekingina hikoya mazmunini, rejasini, voqealarning ehtimoliy rivojini, so‘z shaklini aytib qo‘yishi birgalikdagi so‘z ijodkorligida muhim ahamiyatga egadir. Har xil turdagи matnlar tuzishni o‘qitishni ishlarning suhbat, o‘zining va begonalarning matnini tahlil (baholash) qilish, reja tuzish va u bo‘yicha hikoya qilish, matn sxemasidan (modelidan), turli xil mashqlardan foydalanish kabi shakllarda amalga oshirish tavsiya etiladi. O‘quvchi nutqini rivojlantirish murakkab jarayon bo‘lib, unga monelik qilayotgan omillar ham faqat ta’lim mazmuni yoki o‘qituvchigagina bog‘liq emas. Barcha imkoniyatlar to‘laligicha ishga solinsagina fikrni og‘zaki va yozma ravishda to‘g‘ri, ravon ifodalashga o‘rgatish jarayoni oson kechadi. O‘quvchi nutqini rivojlantirishga keng yo‘l ochadi. Bizga ma’lumki, o‘quvchilar bir xillikdan zerikadi. Shuning uchun ularni nutqini o‘stirishda doimo har xil metod va o‘yinlardan, qiziqarli usullardan foydalanish lozim. Ta’limning shunday muhitini yaratish kerakki, unda o‘quvchi o‘zini shaxs deb sezsin, unga bo‘lgan e’tiborini tuysin. Agar o‘qituvchi dars davomida ”muvaqqiyat muhitini” tashkil etib, o‘quvchida o‘qishda muvaqqiyat qozonishiga yordam bersa, uning o‘z kuchi va iqtidoriga ishonchini orttirib borsa takomillashgan o‘quv jarayoni ham o‘z-ozidan yuzaga keladi. Oshkorlik, ishtirokchilarning o‘zaro hamkorligi, ular keltirgan dalillarning tengligi, hamkorlikdagi bilimlar banki, o‘zaro baholash va nazorat imkoniyati bilan belgilanadigan ta’limiy muloqot manbai yaratiladi. Buning uchun matn asosidagi grammatika bilan uyg‘unlikda tuzilgan testlar, topshiriqlardan foydalanib darslarni tashkil etish lozim.

#### “Publitsistik matn ustida ishslash”

I.Inson qahramonsiz, oldinga undab turuvchi mayoqsiz yashashi mushkul. Buni kitoblardan ham, tarixdan ham, oddiy odamlarning kundalik xayotidan ham bilib olsa bo‘ladi. Masalan, o‘sha qahramon bo‘lmasa, oilada ham, mahallada ham, xalqda ham suyanadigan tayanch nuqta yo‘qolganday bo‘ladi.

II.Bir kuni tengqurlarim bilan “Zamonamiz qahramoni kim?” degan mavzuda suhbatlashib qoldik. Birov : “So‘nggi urFDA kiyinadigan, kamida ikkita tilni biladigan, chet elda o‘qib kelayotgan yoshlar”, - desa, yana biri: “Zamonamiz qahramonini degan nomga sportchilarimiz munosib, chunki yurtimiz nomini dunyoga yoyishda ularning xissalari ko‘proq”, - dedi. Kimdir dehqonlar desa, kimdir olimlarni, yana kimdir Estrada yulduzlarini tilga oldi. Hammamiz o‘zimizchab haq edik.

III.“Zamonamiz qahramoni kim?” deb savol berishning nima hojati bor, barcha davrlar uchun o‘lmas qahramonlar bor-ku, o‘shanday insonlarga ergashish, taqlid qilish mumkin, dersiz. Darxaqiqat , necha-necha avlodlar uchun yo‘lchi yulduz bo‘lib kelayotgan, aql-u zakovati, kuch-qudrati, komil fazilati bilan tarixida o‘chmas iz qoldirgan buyuklarimiz bor. Birgina Amir Temur bobomiz yoki Jaloliddin Manguberdi nomlarini tilga olsak, qalblarimiz faxr-u g‘ururga to‘ladi. Lekin shunchalar yuksakdaki, bugungi avlod ularga yeta olishi mushkul. Faqat havas qilish va munosib avlod bo‘lishga harakat qilish imkonimiz bor, xolos. Qolaversa , hayot tarzimiz, fikrlash yo‘siniimiz o‘rtasida shunchalik kata vaqt masofasi borki, ularni zamonamiz qahramoni sifatida yonimizda his qilolmaymiz.

IV.Bizning ham o‘zgarishlar, yangilanishlar to‘lqinida kechayotgan o‘z zamonamiz bor. O‘z orzularimiz va o‘z armonlarimiz, o‘z g‘alabalarimiz va mag‘lubiyatlarimiz bor. Shular ichida biz o‘z zamonamiz qahramonini ham izlaymiz. Ichimizdan biz bilan bir xil imkoniyatga ega bo‘la turib, bizdan o‘zib ketgan, dunyoni o‘zgacha idrok etishi, favqulodda qobiliyati, irodasi, aql-u zakovati bilan bizni xayratga soladigan, ortidan ergashtiradigan zamonamiz qahramonlari chiqishini xohlaymiz.

1.Savol. Ushbu jumlalar matnning qaysi qismida berilgan? Javoblardan mosini toping.

Amir Temur bobomiz	I
Tayanch nuqta	II
Dehqonlar va olimlar	III
Favqulotda qobiliyat	IV

2.Savol. “Zamonamiz qahramoni kim?” Ushbu gap ifoda maqsadiga ko‘ra qanday gap hisoblanadi?

A) Darak gap
B) So‘roq gap
C)Buyruq gap
D) Istak gap

3.Savol. Matn mazmunidan kelib chiqib xato fikrni aniqlang.

A) Bugungi kun zamonamiz qahramoni sportchilardir.
B) Bugungi kun zamonamiz qahramoni dehqonlardir.
C) Bugunki kun zamonamiz qahramoni shifokorlardir.
D) Bugungi kun zamonamiz qahramoni olimlardir.

4.Savol. Matnda qaysi so‘zlar imlosida xatolik uchraydi.(Avval so‘zning xatosi yozilgan variantini, so‘ng shu so‘zning to‘g‘ri yozilishini ko‘rsating.)

Xulosa qilib aytadigan bo‘lsak, matnli testlar o‘quvchilarning tafakkurini

Noto‘g‘ri	To‘g‘ri
Xayotidan	Hayotidan
Xissalari	Hissalari
Darxaqiqat	Darhaqiqat
Xayratga	Hayratga

o‘stiradi. Og‘zaki va yozma nutqini rivojlantirish bilan birga grammatik qonun qoidalarni zerikishlarsiz o‘zlashtiradi va hayotda tatbiq qiladi.

### **Foydalilanigan adabiyotlar:**

1. “O‘zbek tilining imlo lug‘ati”, Toshkent-1995-yil, “O‘qituvchi” nashriyoti. “Interpretation and researches” International scientific journal volume 1 issue 2 53
2. N.Mahmudov, A.Nurmonov, A.Sobirov, V.Qodirov, Z.Jo‘rboyeva. “Ona tili”, 5-sinf darsligi. Toshkent-2012-yil, “Ma’naviyat” nashriyoti.
3. “O‘quvchi shaxsini rivojlantirishga yo‘naltirilgan ta’lim”.
4. Mahmudov N. Zamonaviy ona tili ta’limi “Til va adabiyot ta’limi” –T.2013.3-son, 6-b.
5. Safo Matchonov, Sharifjon Sariyev. Adabiyot fanidan mavzuli test topshiriqlari to‘plami. -T. —Sharq|. 2011.
6. Hamzayev Madrim. Ona tili mavzuli test topshiriqlari to‘plami. -T. —Sharq. 2012.
7. Axborotnoma IX. O‘zRVM huzuridagi Davlat test markazi.-T. 2001.